



**BOKAMOSO
SOLAR**

Q2 2022

Lekwalodikgang



LENANEO LA GO BUISA

Bašwa ba le supa ba tlhophilwe go tswa kwa baaging ba Kanana le Kgakala go tsaya karolo go Lenaneo la go Buisa leo le tla itsisiweng go dikolo mo seabakeng sa kotara ya boraro ya monongwaga.

Lenaneo, le le tseentsweng tirisong ke Therasete ya Thuto READ, le ikaelela go thusa ka go fokotsa sekgala se baihuthi ba se itemogelang kwa sekolong, bogolosegolo ka ntšha ya mogare wa Covid-19. Barutwana ba sekolo se se potlana ba mophato 4 le bona ba tla ikungwela molemo go tswa mo lenaneong leno.

Seno se dira karolo ya maitlamo a rona a go tshegetsa thuto, eo e leng karolo e e bothokwa ya Lenaneo la Tlhabololo ya Ikonomi ya Loago.



LENANEO LA TLHABOLOLO YA KGWEBO



Re ne re tshwere moletlo wa dialogane le balekane ba rona ba ba tsenyang tirisong, Africa's Got Game, go keteka di SMMEs di le supa tseo di tswelletseng pele go ngwaga wa bobedi wa Lenaneo la Tlhabololo ya Kgwebo la rona. Ba tlhophilwe go tsenela kgato ya bobedi, go ikaegilwe ka tsenelo ya bona; tsibogelo go tlhaeletsano; dipoelo tsa kgwedi le kgwedi tsa kgwebo le kobamelo.

Re motlotlo gobo re amogetse baamegi ba rona ba ba bothokwa bao ba neng ba le gona kwa moletlong. Mo go bone go ne go na le dikemedi go tswa kwa Mmasepala wa Selegae wa Matlosana, Mmasepala wa Selegae wa Ng KK, Makhanselara ba Diwate, Lefapha la Tlhabololo ya Ikonomi, le Setheo sa Bosešhaba sa Tlhabololo ya Bašwa (NYDA).

Go ya pele, di SMME di le robongwe tse dintšhwa di tlhophilwe go tsaya karolo go lenaneo leno, go latela tsamaiso e e tseneletseng ya go thapiwa. Ba tla kopana le di SMMEs di le supa tseo ga jaana di leng mo ngwageng wa bobedi wa lenaneo, seo se tlišang palogatlhe go 16.

Di SMMEs tse dintšhwa di ne di laleditswe go tsenela kopano ya tshedimose tso, ka nako eo mo go yona go neng ga tlhalosiwa lenaneo.

"Maikaelelo a lenaneo la rona ke go godisa le go oketsa borakgwabo le go ba tlamela ka didiriswa tsa kgwebo go aga dikgwabo tsa bona tseo di nang le seabe se siameng go baagi ba bona," go tlhalositse **Claire Phutheagae**, **Motlhankedi wa Ditiro tsa Baagi go Bokamoso Solar**.

LENANEO LA TLHABOLOLO YA BAŠWA

Bašwa ba le some a mabedi go tswa kwa Kanana le Kgakala ba ne ba tlhophiwa jaaka karolo ya Lenaneo la Youth 4 Change, go tsaya karolo go khoso e e nang le tefitelelo-sembuso ya dikgwedi di le 12. Khoso e akaretsa: Tsamaiso ya Kgwebo; Tlhabololo ya Boeteledipele; le Temo e e Tswakaneng.

Khoso e nngwe le e nngwe e tsenyeletsa katiso ya dibuka, ditiro tsa tiragatso le ditlhatlhubo tseo di dirang karolo ya Portfolio ya Bopaki eo e tlhokang go romelwa go SETA e e maleba kwa bofelong ba ngwaga.

E e tsentsweng tirisong ke Lead Academy, ka fa tlase ga Angels Resource Centres, katiso e ne ya amogelwa sentle e bile batsaakarolo kwa disenthareng ka bobedi ba ne ba dira ditiro tsa bona sentle. Ka nako ya dibeke tsa katiso, batsaakarolo ba nwa tirogae le diporojeke go di feleletsa kwa gae le go di romela.



"Ka lenaneo leno, ke ithutile go le gontsi ka ga go nna moeteledipele le tsela e nka dirisanang le badiri ka yona kwa tirong, ga mmogo le tsela ya go ba tlhotlheletsa, rotloetsa, le go ba itumedisa. Ke ithutile ka ga setaele sa boeteledipele sa thefosano, seo ke tla se dirisang mo botshelong jwa me jwa porofesionale." - Aaron Lenah, yo mongwe wa baamogeladitshiamelo tsa lenaneo.



LENANEO LA HEARTS AND MINDS

Bokamoso Solar e simolotse Lenaneo la Winter Drive, mo Baaging ba Kgakala, ka maikaelelo a go ba tlamela ka diphuthelo tsa dijo le dikobo go malapa a le 40 a a etelelsweng pele ke bana le batsofe.

Seno se dira karolo ya porojeke ya rona e e kwa godimo Hearts and Minds, eo e lebelelsweng thata bana le batsofe mo baaging ba rona.




DIKOPANO TSA BAAGI

Dintlha ka ga dikgokagano tsa baagi tse di latelang di tla buisanelwa mo dipolateromong tsa BOKAMOSO SOLAR tsa mo moweng.

KGATO KA KGATO YA SED E E DIRISITSWENG KA KOTARA

- Thuto
- Katlaatlalo
- Tlhabololo ya Kgwebo
- Boitekanelo



GOLAGANYA LE RONA

Bokamoso-Community-111197758184088

23 Park Street
Leedoringstad

Molaodi wa Ditiragatso tsa Baagi

Claire Phutieagae

claire.phutieagae@eimsafrica.com

STAY SAFE
#CoronaVirus

www.nicd.ac.za
www.health.gov.za

Saete ya Didiriswa tsa Aforika Borwa tsa COVID-19:
www.sacoronavirus.co.za